



МЕСЯЦА ОКТЯБРЯ В 9-Й ДЕНЬ

**Святаго апостола Иакова Алфеева.
И преподобнаго отца нашего Андроника
и жены его святыя Афанасии**

НА ВЕЧЕРНИ

**Блажен муж: 1-й антифён. На Господи, воззвах: стихиры
апостола, на 8, глас 4.**

Подобен: Дал еси знамение:

**Возсиял еси, апостоле, / световиден, яко
солнце, зарями Духа / и всю просветил еси все-
ленную, блаженне, Богознанием, / и отгна́л еси
мрак многобожный Божественным про-
поведанием, / тем твое пресветлое и достохва́ль-
ное днесь совершающе торжество, / благочестно
тя славим.**

**Возгремел еси, премудре, / вселенней учения
священная и спасительная / и всю очистил еси
идолонействования тварь, Богомудре, / и просве-
тил еси люди Богознания сиянием. / Идолская
же трéбища разоряя благодатию, / церкви на
похваление Бога нашего воздвигл еси.**

**На высоте седяй Богознания, Иакове, / приял
еси Духа благодать, / явльшуюся тебе огненным
видом, / и языком огненным всю попалил еси я́ве
злочестия т́ину многобо́жную. / Тем тя, яко апо-
стола и Богоглагольника, хвалим, / святое твое
днесь совершающе торжество.**

Слава, глас тойже, самогласен. Феофаново:

Божественнаго Духа я́ве благодать прием, /

священнейшему лику апостольскому причтен, Иакове, был еси./ Тем и с Небес пришествие иногда сильное одоховение,/ огненным языком просветив тя,/ языческое отерновлённое попал еси безбожие./ Христа Бога, Богопроповедниче, моли/ спастися душам нашим.

И ныне, Богородичен: Иже Тебе ради:

Вход, прокимен дне, и чтения три, и лития, ищї сего месяца в 6-й день.

На стиховне стихиры, глас 4.

Подобен: Дал еси знамение:

Приял еси, апостоле, над демоны непобедимую власть и силу/ о Имени Христове/ начала тьмы сих отгонїти;/ и прошел еси землю, просвещая, якоже солнце, и вся страны научї,/ первое, славне, Христово проповедал еси спасительное пришествие.

Стих: Во всю землю изыде вещание их/ и в концы вселенныя глаголы их.

Первей благости и естественному, и пребожественному житїю подобяся,/ муж был еси благ, Иакове, по существу/ и благодати Божественныя сын именуем,/ нравов твоих благостию и ума чистотою/ Христов показался еси ученик искренний.

Стих: Небеса поведают славу Божию,/ творение же руку Его возвещает твердь.

Орган добре составлен Божественным окормлением, апостоле Иакове, быв,/ языков званию ты вверился еси,/ к познанию Христову наставляя словесы и деянии,/ и вся просветил еси, исповедати истинное Иисусово Божество,/ Спаса душ наших.

Слава, глас 5:

Верно торжествуем пречестный день/ твоя памяти, Иакове славне,/ не яко Алфеева тя сына, но яко апостола Христова почитающе/ и проповедника Того неизреченнаго воплощения,/ тем Владычню Престолу/ со Безплотными всегда предстоя и апостол и мученик лики,/ прилежно моляся спасти ны Спасителю и Богу нашему.

И ныне, Богородичен: Храм и Дверь еси:
Тропарь, глас 3:

Апостоле святыи Иакове, / моли Милостиваго
Бога, / да прегрешений оставление / подаст ду-
шам нашим.

Слава, и ныне, Богородичен воскресен.



Преподобному Андронику поем на повечерии.
Тропарь, глас 1:

Пустынный житель и в телеси Ангел и чудот-
ворец показался еси, / Богоносне отче наш
Андрониче, / постом, бдением, молитвою Небес-
ная дарования приим, / исцеляеши недужныя и
души верою притекающих к тебе. / Слава Давше-
му тебе крепость, / слава Венчавшему тя, / слава
Действующему тобою всем исцеления.

Канон, глас 8.

Песнь 1

Ирмос: Колесницегонителя фараона погрузи / чудотво-
ряи иногда / Моисейский жезл, крестообразно поразив / и
разделив море, / Израиля же беглеца, пешеходца, спасе, /
песнь Бóгови воспевающа.

Предочистив твою душу, Андрониче, / добли-
ми добродетельми / и Божественныя любве раз-
жегся угльми, / плотских уклонился еси рас-
палений, / росу бо Божественную свыше имел
еси, / тя орошающую всегда.

Владычним повелением повинуюся, / яко пат-
риарх иногда Авраам, отче, / твою землю оставил
еси / и сродники небрег; / жены же и богатства
далече быв, / и в пустыню, блаженне, / вселился
еси, уединяем.

Господню заповедь исполнил еси, / вся продав
твоя / и нищим раздав, имиже куплю бисера
обрел еси честнаго, / и сей прием, / обогатился
еси обильно / богатым миров источением.

Богородичен:

Созидается волею во утробе Твоей / Адамов
Соделатель / и дланию носяй, Богородице,
всяческая / Твоими руками носится, о страшнаго
таинства, и Младенец является, / всех святых
Господь.

Песнь 3

Ирмос: Утверждей в начале небеса разумом / и землю на водах основавый, / на камени мя, Христе, заповедей Твоих утверди, / яко несть свят, паче Тебе, едине Человеколюбче.

Изгнан от Едема советом Евиным Адам, / ты же, веровав совету сопружницы твоея, мудре, / рай был еси внутри / и с нею радуешься всегда, блаженне Андрониче.

Иже тайно и мудре устрояя вся добре Слово и земныя ко спасению направляя, / от земли на Небеса / любимыя преставляет дети ваша два, / стезю праву являя вам.

О маловременней и тлеющей небрегше любви, / на земли сущим оставльше сию, / связзаетеся любовью духовною, блаженнии, / темже ныне водворяетесь, идеже праведных селения.

Богородичен:

Безсосужденно Херувим и Серафим пребольши, / Яже Бога несказанно Рождающая, / и земным клятву на благословение преложившая, / песнями всегда да почитается, / Та бо наше упование.

Седален, глас 8.

Подобен: Премудрости:

Иго Господне легкое вседушно на рамена восприем, / Тому последовал еси, Богоносе Андрониче, / и мирских мятэжей добре возненавидел еси, / в пустыню, блаженне, усердно вселься, / идеже течение постническое, отче, без порока совершил еси, / Богу совокупляяся, / сего ради вопием ти: / моли Христа Бога грехов оставление даровати чтущим любовь святую память твою.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Побы трудов твоих, от плоти твоея каплющи, священнейше Андрониче, / в воню мира преложися.

Якоже финикс высокорасленный, ты в пустынях, отче, процвел еси / и Богу плодоносил еси сладчайшия болезни трудов твоих.

Слезными ождением пустынную землю оро-

сил еси, / плодоносу же явил еси душу твою
болезньми постническими.

Богородичен:

Не истощив Господь Отческих недр, / в Твою
вселися утробу, Отроковице, пречистую, / и мир
весь обновй.

Песнь 5

Ирмос: Утренююще вопиём Ти, / Господи, спаси ны: / Ты
бо еси Бог наш, / разве Тебе иного не ве́мы.

Воспойм Андроника песньми вси вернии / и
того сопружницу Афанасию прославим.

Отнюд, якоже есть писано, не дал еси сна
твоима очима, / ни дремания твоима веждама,
Андрониче.

Прослави мiры тя Господь, блаженне, / твоя
труды восприемый, / яко жертву сущне благопри-
ятну.

Богородичен:

Единаго от Троицы родила еси, Отроковице,
страшно / и млеком питала еси земных естество
Питающаго.

Песнь 6

Ирмос: Ризу мне подаждь светлу, / одейся светом, яко
ризою, / Многомилостиве Христе Боже наш.

Естественная слабость никакоже предложе-
ния притупи, / еже стяжала еси к болезнем, о
преподобная, страдания.

Пременивши одеяние яве, естество утайла
еси, / тем несумненно путь спасения совершила
еси.

Уведевши супруга твоего путьшествующа,
ему же и последствовала еси, / никакоже что к
нему беседовавши.

Богородичен:

Глас Гавриiлов Тебе, Отроковице, ныне
приносим: / радуйся, Господь с Тобою, Благосло-
венная, вопиюще Ти.

Кондак, глас 4:

Благородия нравом тя честно похвалим,
Андрониче, / иже Господь в лик преподобным
отцем сочета, / яко воистинну благородия Боже-
ственные славы венец улучи.

Песнь 7

Ирмос: Отроцы еврейстии в пещи / попраша пламень дерзновенно / и на росу огнь преложыша, вопиюще: / благословен еси, Господи Боже, во веки.

Дрѣвле хвалящагося безмерно злочачальнаго одержати всю тварь, / яко птичицу худу, низложил еси, силою защитився Духа и Креста всеоружием.

Нося на рамах крест твой, последовал еси Господу вседушно / и славы Его получил еси Божественныя, яко исполнитель, Андрониче, Того заповедей.

Являет благодать миров еже ко Господу твое дерзновение, / водам бо лианию подобится, на спасение всегда верных проливаема.

Богородичен:

Да обожит мое естество, Всесовершенный неизреченно младенствует, / из Тебе, Чистыя, происходит, Иже словом приведый всяческая, и содержа, и укрепляя.

Песнь 8

Ирмос: Царя Небеснаго, / Егоже поют вси Ангельстии, / хвалите и превозносите во вся веки.

Слезными струями напоив твою душевную ниву, / пожал еси еже от чудодейний воздаяние богатное.

Острупльшуюся душу мою согрешенными / молитв твоих Божественным врачеванием сию исцели, угодниче Господень.

Трбичен:

Пребезначальную, вернии, воспойм благочестно Троицу Всесвятую, / из не сущаго приведшую всяческая.

Богородичен:

Даниил Тя провиде, гору, Отроковице, несекомую, / от неяже отсечеса Камень, сокрушивый храмы идольския.

Песнь 9

Ирмос: Воистину Богородицу / Тя исповедуем, / спасеннии Тобою, Дево Чистая, / с Безплотными лики Тя величающе.

Источаеши миров благодать неистоцимую / и притекающим всем подаеши верно недугов разрешение, отче Андрониче.

**Преложился еси от привременных, радуясь, к
вышним и со отцы святыми вселивсь, / нас,
память твою творящих, отче, поминай всегда.**

**Приими мое пение, о двоице преподобных, / и
отдание ми подаждь твоим к Богу молением, /
прегрешений избавити мя.**

Богородичен:

**Прописа Твою утробу древле три отроки не
опалившая пещь, Отроковице Чистая, / ибо не-
опально прияла еси Огнь Божества.**

Стихиры, глас 6.

Подобен: Все отложше:

**Все отложивше / житейское томление / и богат-
ство возненавидевше, / и сладость текущую
презревше, / крест взясте, / яко иго
Божественное, / и Христу последовасте / и к Не-
бесному покою чудно вселистесь, / в немже
свеселяетесь, / поминайте нас, верою помина-
ющих вы / и любовь совершающих
благоговейно / священную и честную память ва-
шу, святии.**

**Весьма возлюбльшая Тебе, Владыку, от души, /
во след Тебе потече двоица приснопамятная, / и
единосопружная, / и вся красная, и юзу нерешимую,
яко паучину, преторже, / тем и получи
Царствие Твое, Безсмертне. / Тех убо молитвами
очищение, Щедрый, подаждь нам согрешений / и
яви ны вышния страстей, / смущающих нашу
душу, Владыко, всегда.**

**Детей лишени бысте любезныя дружбы, / под-
вигом большим в житии пребывающе неутешни, /
глас испущасте доблественнейший Йовль,
взывающе: / Господь даде, Господь и паки взя, /
тем и желаемое вами дело удобно совершите / и
к любезнейшим местом святым, радостно преходяще,
явистесь, / сопруже священнейший.**

Слава, и ныне, Богородичен:

**Радуясь, кореню леторасленный, / радуйся,
жезле Божественный Ааронов, / прозябый цвет
неувядающий, / благоплодный раю, / древо
жизненное, / от корене Иессеева, Чистая, процвет-
ши, Отроковице, / и земныя кормящи хлебом
разумным. / Радуйся, багряннице всечестная, /**

всех Царя Богоневесто, / увязѣние светлое, / архиереев благолѣпие. / Радуйся, едина Пречистая.

Крестобогородичен. Подобен тойже:

Агнца Своего Агница Нескверная древле / и Непорочная Владычица / на Древе Крѣстнем яко узрѣ, / мѣтерски восклицаше и, дивящися, вопияше: / Чадо Сладчайшее, / что зрение сие новое и преславное? / како сонм безблагодатный судищу Пилатову предаде Тя / и осуждает на смерть, Живота всяческих? / но воспеваю Твое неизреченное, Слове, снисхождение.

НА УТРЕНИ

На Бог Господь: тропарь апостола дважды.

Слава и ныне, Богородичен: Тя Ходатайствовавшую:

По 1-й кафизме седален, глас 2:

Уловив язѣки апостол славный / и научив концы земныя Тебе кланяться, со Отцем и Духом, Христе Боже. / Того ради утверди Церковь Твою / и верным низпосли благословение Твое, / Едине Милостиве и Человеколюбче.

Слава, и ныне, Богородичен:

Божественнаго бѣхом общницы естества Тобою, Богородице Приснодево: / Бога бо нам Воплотившагося родила еси. / Темже по долгу Тя вси благочестно величаем.

По 2-й кафизме седален, глас 4.

Подобен: Скоро предвари:

Яко лучу, Солнце правды испустити тя Христос, / просветити всю землю, апостоле славный Иакове, / Божественными твоими молитвами озаряеши / и Божественным светом невечерним всех просвещаеши, / верою совершающих святую память твою.

Слава, и ныне, Богородичен:

Надеждо непостыдная надеющихся на Тя, / едина рождающая паче естества плотию Христа Бога нашего, / Того со святыми апостолы моли подати вселенней очищение прегрешений, / и всем нам прежде конца жития исправление.

По полиелеи седален, глас 8.

Подобен: Премудрости:

Мрѣжею словес Божественных ры́бы уловляя словѣсныя,/ и сия принесл еси начатки Богу нашему,/ и во Христовы язвы желая облещися,/ подобник страстем Его явился еси./ Тем сошедшеся по долгу, чтим тя, апостоле славне,/ и согласно вопием ти:/ моли Христа Бога/ грехов оставление подати чтущим любовьию святую память твою.

Слава, и ныне, Богородичен:

Мысленная вратá Жизни, Пречистая Богородице,/ притекающая к Тебе верно/ избави от бед,/ да славим пресвятое Рождество Твое во спасение душ наших.

Степенна, 1-й антифон 4-го гласа. Прокимен, глас 4: Во всю землю: Стих: Небеса поведают: Всякое дыхание: Евангелие от Иоанна, зачало 67.

По 50-м псалме стихира, глас 4:

Подобен: Женѣ, услышите:

Яко тайнник, и апостол,/ и служитель изрядный Христа, Единого Владыки, Иакове Богопроповѣдниче,/ Сего моли подати православным победительная/ и очищение, всехвальне, грехов,/ совершающим все святую память твою.

Канон Богородицы со ирмосѣм на 6, и апостола, глас 6, на 8, егоже краегранѣсие: Христова ученика сына Алфеева почитаю. Феофаново.

Песнь 1

Ирмос: Яко по сѹху пешешествовав Израиль/ по бездне стопами,/ гонителя фараѳна/ видя потопляема,/ Богу победную песнь/ поим, вопияше.

Рѹку ми даждь, Боговѣдче и учениче Христов, Иакове,/ честный твой праздник похвалити устремившуся,/ и свет сѣрдцу моему твоими молитвами возсияй.

Струями Божественныя мудрости напоен,/ река истекл еси от райа сладости/ и земное лице теченьми благочестия истинно яве напоил еси.

Священнейшему лику ученик Христовых считался еси, Иакове,/ исполняя число двонадѣсятных;/ с нимиже, Владыце предстоя, нас поминай.

Богородичен:

Тя, Пречистая Дево, небо прострый Господь/

и землю основавый,/ небо земное нам явил есть,/ из Тебе прошел плотию.

Катавасия: Отверзу уста моя:

Песнь 3

Ирмос: Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени/ исповедания Твоего.

Божественнаго Духа яве приём зарю,/ во тьме сущим, яко утро, показался еси светло,/ Солнца мысленнаго возвещая всем явлёние.

Нога твоя ста явственна в правости, блаженна,/ у Царя Праваго же и Благаго,/ ликующи Боголепно и шествующи стезю Небесную.

Сына Безначальна Божия, вся творящаго Божественною властью,/ нелестна Тайноучителя, знания истины тя научающа, имел еси, Иакове.

Богородичен:

Марие, всех надеждо на Тя надеющихся,/ рождши Слово, воплощенное нас ради,/ различных мя напастей и бед, Пречистая, избави.

Седален, глас 8.

Подобен: Премудрости:

Мудрость истинно учителя имев,/ тя научающую сущим паче ума,/ мудрость объюрóдил еси ёллинскую, Богодухновенне;/ и языком был еси светильник Божественный,/ благочестия словесы направляя безумныя./ Тем избáвлении тобою от прёлести,/ достойно поем тя и верно ублажаем, Богоглаго́ливе Иакове:/ моли Христа Бога грехов оставление подати/ чтущим любовь святую память твою.

Слава, и ныне, Богородичен:

Солнца облаче разумнаго,/ Божественнаго Света Светильниче златоковáнный,/ Нескверная, Неблазная, Всенепорочная Владычице,/ омраченную душу мою ослеплением страстей,/ безстрастия зарею просвети, молюся;/ и оскверненное мое сердце омой потóки умиления, покаяния же слезами,/ и от тимёния мя очисти дел моих,/ да любовь зову Ти:/ Богородице Приснодево, моли Христа Бога прегрешений оставление подати ми,/ Тебе бо имею надежду, раб Твой.

Песнь 4

Ирмос: Христос моя сила,/ Бог и Господь,/ Честная Церковь/ Боголепно поет, взывающи,/ от смысла чиста о Господе празднующи.

Сам ты Господь, Един Святы́й,/ честному́ лику учеников, блаженне, сочетá,/ честное и светлое жити́я твоего провидевый.

Чудес исполнен Божественнаго Духа быв, Богопроповедниче,/ чудотвори́ши бо, недуги отгоняя,/ и лукавства духов человеки свободил еси.

Божественное сияние, нашедшее сердцу твоему, блаженне,/ Богосветло сие содела/ и приятно паче ума дарований сотвори́.

Богородичен:

Божественным Твоим Рождеством, Дево Всечистая,/ Ангельстии чини и земных собори совокупишася;/ мироначальника бо Христа и Спаса всех родила еси.

Песнь 5

Ирмос: Божиим светом Твоим, Блаже,/ утренюющих Ти души любовию озари́, молюся,/ Тя веди́ти, Слове Божий,/ Истиннаго Бога,/ от мрака греховнаго взывающа.

Солнцу, блаженне, умному собеседник быв, лучи́ ты оттуду приемля,/ еже по существу первый Той есть, второй по благодати был еси, славне.

Ум чистейший имел, светло же и чисто сердце ты стяжав,/ воплощагося Бога видел еси, непостижимаго разумом.

Уступает ти, учениче, всяко пророчество, и всяко законоположение, пребогáте;/ теми бо древле Проповедаемаго самовидно сподобился еси, блаженне, веди́ти.

Богородичен:

Се, Дево, пророчески имела еси во чреве Твоем, Сущаго над всеми Владыку и Господа,/ и неизреченно Сего, Чистая, родила́ еси, Дево, по рождестве нетленна пребывши.

Песнь 6

Ирмос: Житейское море,/ воздвигаемое зря напастей бурею,/ к тихому пристанищу Твоему притек, вопию Ти:/ возведи́ от тли живот мой,/ Многомилостиве.

Ноги твоя красныя мир нелестно яко благо-

вествующе, / мир сущо преестественный, и ум преимуций, ученичѣ Христов всечѣстне.

Разумети таинство / и проповедати страшное Божия воплощения сподобился еси, Иакове, / переводѣльные лучи приѣмый от Самаго Высочайшаго, приснопамятне.

Неизречѣннаго света сияя светлостьми достойно, / верховный Христов апостоле, прилежно молися о творящих память твою, славне, пречестнѹю.

Богородичен:

Всеми владычествующа тварьми яко Бога Благаго рождши, / согрешений моих, Пречистая, струпы до конца потреби, / благоутробна содеваючи Рождшагося из Тебе.

Кондак, глас 2.

Подобен: Твердыя:

Твердо мудрости догматы в души благочестивых вложившаго / похвалами да ублажим яко Боговещателя вси Иакова: / Престолу бо славы Владычню предстоя / и со всеми Ангелы радуется, / моля непрестанно о всех нас.

Икос:

Яко ученик Христов и друг Невещественным ликом спребываяй присно, / и, Светом озаряем невечерняго светодайна, ума моего тьму разреши, всеблаженне: / яко да твою светоносную память воспою, / юже поет вся тварь, благочестно празднующи днесь; / всех бо верных наставник и светильник был еси, Иакове, / моля непрестанно о всех нас.

Песнь 7

Ирмос: Отроцы в Вавилоне, / пѣчнаго пламене не убояшася, / но посреде пламене ввержени, орошаеми, пояху: / благословен еси, Господи, Боже отец наших.

Светлостьми и сияньми Духа просвещеннаго, / язык множество семя Божественное ты именуешь, зовуще: / благословен еси, Господи, Боже отец наших.

Мудростию украшен Богодарованною ти / разорил еси мирскую мудрость, / Богомудренно зовый, апостоле: / благословен еси, Господи, Боже отец наших.

Во всю землю изыде вещание твое, апостоле Иакове,/ еже возвестил еси, яко гром, всем странам, премудре,/ Воплощенное Слово достойно проповедавая.

Богородичен:

Святых святэйши, Дево Мати, Ты была еси,/ яко рождши Бога несказанно,/ Егоже воспевающе, непрестанно зовем:/ благословен еси, Господи, Боже отец наших.

Песнь 8

Ирмос: За законы отеческия/ блаженнии в Вавилоне юноши, предбедствующе,/ царюющего оплевахша повеление безумное/ и, совокуплени имже, не сваришася огнем,/ Державствующему достойную воспеваху песнь:/ Господа пойте дела/ и превозносите во вся веки.

Священноученик, Небесным научен истинно, блаженне, таинством,/ прошел еси всю вселенную, апостоле,/ проповедавая велегласно слово веры Христовы/ и научая неизреченною благодатию:/ Господа воспевайте дела и превозносите во вся веки.

Богат был еси и блажен, сподоблен всякаго блаженства,/ яко собеседник и сообитатель быв Владыце,/ и конечное истинно жребием добре обогатся,/ и Слову, свеселяся, воспевахше:/ Господа пойте дела и превозносите во вся веки.

За мир молитвенник изящнейший ко Спасу стани, блаженне апостоле,/ прося свыше богатнаго мира Церквам,/ и хвалящим тя верно прегрешений оставление,/ и душам спасение, вопиющим:/ Господа пойте дела и превозносите во вся веки.

Богородичен:

Ты спасения всем Ходатаица, Богомати,/ явилася еси, Едина Всепетая, Спаса рождши Божия,/ Бога Слова, избавльшаго нас древния клятвы/ и благословение даровавшаго верою зовущим:/ Господа пойте дела и превозносите во вся веки.

Песнь 9

Ирмос: Не рыдай Мене, Мати,/ зрящи во гробе,/ Егоже во чреве без семене зачала еси, Сына:/ встану бо, и прославлюся/ и вознесу со славою непрестанно яко Бог/ верою и любовью Тя величающия.

Явился еси миру, якоже молния претека́я, / во тме древле и сени неведения седя́ция, / влекый ко Свету незаходимому Воплощшагося Единороднаго Сына, / Егоже самовидец и действанный слуга был еси, блаженне; / Егоже величаем.

Бурное, блаженне, от небесе носимое дыха́ние прием / и языком огнедохнове́нным обогáщся, / пожига́еши, яко терние, безбожную мирскую мудрость, / свещáтельными заря́ми проповедания Христова сияя / и мра́к разоря́я, Богоблаженне.

Приими́, Богогла́се апостоле Иакове, молебную песнь, / юже ти прино́сим, твою празднующе пречестну́ю и пресветлую память; / избави от грехов рабы твоя, верховный Христов апостоле, / прилежно моля́ся, / да достойно тя величаем.

Богородичен:

Яко неискусому́жно во чреве Твоем прие́мши Слово, / пребыла́ еси Нетленна, Пречистая Дево, / и рождши нам Емману́ила, сущаго вку́пе Бога и Человека. / Сего сугуба естеством ве́дуще, Ты величаем.

Светилен.

Подобен: Духом во святы́лици:

Не яко сына Алфеева, но яко ученика Слова, / разуме́ем тя, Иакове, апостолов славо: / ибо Божественное сия́ние явственно прия́л еси / и благодать чудес отгоня́ти недуги от человек, / верою совершающих всесвященную память твою.

Слава, и ныне, Богородичен:

Яко имущи благоутроби́е и милость великую, / Богородице Дево, / при́зри, Пренепорочная, на мое смирение / и страстну́ю бурю и печалей нахождения разже́нй, Чистая, / и огня геенскаго избави мя Твоими молитвами.

На хвалитех стихиры на 4, глас 4.

Подобен: Яко добля:

Тростию благодати / от глубины суетства человеки / извлекл еси, досточудне, / Учителя ма́нием повинувся, Иакове, / просвещшаго по всему твое разумение, / и апостола, и че́стна Богоглагольника, / тя, всеблаженне, показавша, / Того непости́жнаго Божества.

Духа сияние на тя сніде во ѳгненне віде/ и тя, блаженне, Божественное приятелище содѣла,/ скоро отгоняща безбожия мглу/ и мир просвещающа/ сиянием всемудрых твоих словес,/ тайноглагольниче, апостолов украшение,/ Христов самовидче, блаженне.

Молниями проповедания/ во тьме седящия неведения,/ славне, просветив,/ показал еси сѣны/ Владыки и Бога веры ради,/ Егоже стра- стем ревновал еси и смерти,/ и славы был еси наследник,/ яко мудр и Богоглаголив,/ яко уче- ник ѳстиннейший.

Слава, глас 2:

Оставив земная, последовал еси Христу,/ и, знаменався дохновѣнием Святаго Духа,/ послан быв от Него в язѣки погѣбшия/ обрацѣти чело- веки в свет Богознания, апостоле Иакове;/ и, скончав подвиги Божественныя твоея страсти и мук различных,/ душу твою Христу прѣдал еси/ Того моли, всеблаженне,/ даровати нам велию милость.

**И ныне: Все упование мое:
Славословие великое. И отпуст.**

На Литургии: Блаженны апостола, песнь 3 и 6. Прокимен, глас 8: Во всю землю изыде вещание их и в концы вселенныя глаголы их. Стих: Небеса поведают славу Божию: Апостол к Коринфяном, зачало 131. Аллилуия, глас 2: Исповедят Небеса чудеса Твоя, Господи: Евангелие от Луки, зачало 51. Причастен: Во всю землю изыде:

**В
ТОЙЖЕ
ДЕНЬ**



**Святаго праведнаго Стефана,
дѣспота Сѣрбскаго**

Тропарь, глас 4:

Процветѣ нам весна благодати,/ Стефана Но- ваго память,/ прѣздновати того Прослѣвльшаго/ призывает бо всех праздниколюбцев,/ возсылати благодарение Бѳгови,/ сохранившу тело его/ во грѣбе цело и нерушѣмо и чудесы удивляемо,/ мѳлится бо о людех своих яко отечестволюбѣц/ и о творящих память его.

Кондак, глас 3:

**Приидіте, Стефана восхва́лим вси / и Боже-
ственными́ми пѣсньми прославим, / не далѣче бо от
апостол, / и к мучеником прибли́жися, / и препо-
добных, и праведных блаженство насле́дова, / и
воня́ми мощей его нас облагоуха́ет, / и мо́лится
Го́сподеви о душа́х наших.**

